

**ORDO IN EPISCOPALI
VISITATIONE
SERVANDUS J. D. DIE
5 SEPTEMBRIS 1836
ADMITTITUR FORT...**



O R D O

IN EPISCOPALI VISITATIONE

SERVANDUS.

I N D E X

præparandorum a Visitandis.

1. **M**onitio Populo fiat de proxima Visitatione, causis, effectibus, et ritu, intra Missas, lectis Pastoralibus Litteris, si datæ sunt.
2. Invitetur Populus ad Pœnitentiæ Sacramentum, ut de manu Episcopi sumat Eucharistiam.
3. Præparentur ii, qui confirmandi sunt.
4. Frequenti Campanarum sono excitetur Populus, maxime vero pridie Visitationis.
5. Præparentur Hostiæ et Particulæ, vinum Mapæ, Vasa ad sacræ Communionis usum.
6. Ornetur Ecclesia, et paretur locus pro ministrando Sacramento Confirmationis.
7. Si quæ sunt benedicenda, vel consecranda oportune parentur.
8. Pro Cæremoniis Episcopalibus.

- a) Umbella, seu Baldachinum in Porta Oppidorum insigniorum, a nobilioribus loci gestandum.
- b) Crux sine hasta ab Episcopo deosculanda.
- c) Tapes cum Pulvino coloris violaceis, vel alius.
- d) Thuribulum cum Navicula.
- e) Vas Aquæ benedictæ cum Aspersorio.
- f) Pluviale et Stola coloris albi pro Rectore Ecclesiæ.
- g) Scabellum genuale cum Tapete et Pulvinari-
bus violaceis coloris ante Altare majus, vel
ubi est Ss. Sacramentum.
- h) Sedes præalta supra tres gradus, et sub Um-
bella, si fieri potest, a latere Evangelii, cum
Tapete supra gradus.
- i) Gossypium pro abstergendo Chrismate Sacro
post Confirmationis Sacramentum, Paniculi
duo, et Vas aquæ ad hunc usum, ad lavan-
dum et tergendum frontem Confirmatorum.
- k) Vas aliud pro colligendo Gossypio jam adhi-
bito.
- l) Occursus Cleri totius, Confraternitatum Do-
ctrinæ Christianæ et Populi, intrante Episco-
po, Litanias cantantium, aut Hymnos, et præ-
sertim Canticum *Benedictus*.
- m) Sex Candelabra in Altari majori cum Can-
delis.
- n) Duo Intortitia ad varios usus.

9. In Sacristia exponatur ordine, sacra Supellex, ut brevi cerni possit.
10. Ibidem Libri ad usum Ecclesiæ destinati, Missalia, Breviaria, Antiphonaria, Ritualia.
11. Index Sacrarum Reliquiarum cum suis testificationibus.
12. Indulgentiarum, Altarisve privilegiati documenta.
13. Inventarium jurium, privilegiorum, et onerum Ecclesiæ, tum finium Parochiæ descriptio.
14. Inventarium sacræ Supellectilis.
15. Inventarium Bonorum stabilium et Redditum Ecclesiæ, Decimarum, et Oblationum.
16. Index Beneficiorum, quæ sunt infra finem Parochiæ.
17. Index Ecclesiarum, Oratoriorum, Capellarum cum oneribus intra eosdem fines.
18. Item Sodalitarum, Confratrum, Locorumque.
19. Item Monasteriorum tam virorum, quam mulierum.
20. Item Sacerdotum, Diaconorum, Subdiaconorum, Clericorum sæcularium ejusdem Parochiæ.
21. Item eorum Laicorum, qui Ecclesiæ deserviunt, in divinis Officiis, Funeribus etc.
22. Index Missarum receptarum et celebrandarum, et a quibus factum sit satis.
23. Index Legatorum solutorum et solvendorum ad Pias Causas relictorum.
24. Prompti habeantur Codices Parochiales Bapti-

zatorum, Confirmatorum, Matrimonio conjugatorum, Status Animarum et Defunctorum.

25. Alia sunt paranda a quolibet de Clero, ut Ordinum Instrumenta, Beneficiorum item; tum facultates datæ pro audiendis Confessionibus, Concionibus habendis; et Missa certo loco celebranda.
26. Tum Libri personales, qui solent præscribi Ecclesiasticis, Missale, Breviarium, Kalendarium, volumen Bibliorum, Homiliarum; Catechismus Romanus, et ejusmodi.

*Index Locorum ab Episcopo
visitandorum.*

1. Ecclesia Cathedralis.
2. Ecclesiæ Collegiatæ cum Ædibus Canonicorum.
3. Parochiales cum Ædibus Parochorum.
4. Ecclesiæ beneficiatæ.
5. Item ea Oratoria, quæ sunt in viis, et ubi non celebratur Missa.
6. Monasteria Monialium sub Ordinario.
7. Monachorum et Regularium Ecclesiæ, ubi est animarum cura (Trident. sess. 7, cap. 7).

His præmissis deveniendum est ad ipsam Visitationem; idest

1. Recipiat Episcopus in locis insignioribus sal-

tem processionaliter, ut in Pontificali non extra portam Civitatis (Ex Cærem. Episcop. lib. 1, cap. 2, n. 8).

2. In minoribus locis cum Rochetto et Mozzetta, osculo Crucis in porta Ecclesiæ, incensatione a digniore ex Clero visitando, induto Pluviali albo.

Ordo agentorum in Visitatione.

3. *Appropinquante Episcopo Ecclesiæ, pulsabit. Organum et Campanæ in signum lætitiæ resonabunt.*
4. *Accenduntur Cerei majoris Altaris, et aliorum.*
5. *Procedit Clerus ad januam Ecclesiæ cum duobus Ceroferariis et Acolythis, Vas Aquæ benedictæ et Thuribulum deferentibus, inde sequitur Rector Pluviali albi coloris Cruce sine hasta portante.*
6. *Cum ad januam Templi pervenit Episcopus, genuflectit supra Pulvinar, et Rector offert Crucem deosculandam, inde Aspersorium, ac Thuribulum cum Navicula, et ministrabit Incensum cum Benedictione, et Rector incensabit Episcopum stantem cooperto capite, præmissa inclinatione profunda ante et post.*
7. *Deinde procedunt omnes ad Altare majus, et ibi Episc. super Faldistorium procumbit, et orat. Interim Rector stans in cornu Epistolæ Altaris, versus ad orantem, detecto capite, dicit:*

- V. Protector noster aspice Deus.
 R. Et respice in faciem Christi tui.
 V. Salvum fac servum tuum.
 R. Deus meus, sperantem in te.
 V. Mitte ei, Domine, auxilium de sancto.
 R. Et de Sion tuere eum.
 V. Nihil proficiat inimicus in eo.
 R. Et filius iniquitatis non apponat nocere ei.
 V. Domine, exaudi orationem meam.
 R. Et clamor meus ad te veniat.
 V. Dominus vobiscum.
 R. Et cum spiritu tuo.

Oremus.

Deus humilium visitator, qui eos paterna dilectione consolaris: præstende societati nostræ gratiam tuam, ut per eos, in quibus habitus tuum in nobis sentiamus adventum. Per Christum Dominum nostrum.

R. Amen.

Qua finita, Pontifex surgens, ascendit ad Altare majus, osculaturque illud in medio, et ibidem Populo solemniter benedicit.

Deinde, vel in medio Missæ, versus ad Populum, sedens, proponit Populo causas adventus sui, quia fieri Canones et Ecclesiasticus Ordo hoc fieri præcipiunt propter multa.

Post hæc Pontifex, deposita Cappa, induitur Amictu, Stola, Pluviali violacei, vel nigri coloris, et Mitra simplici, et stans cum Mitra juxta Altare, versus ad Populum incipit Antiphonam: Si iniquitates.

Postea cum Ministris, seu Capellanis suis dicit Psalmum: De profundis clamavi ad te, Domine etc.

Tum dicit totam Antiphonam Si iniquitates observaveris Domine: Domine, quis sustinebit?

Qua dicta, deposita Mitra, dicit:

Kyrie eleison. Christe eleison, Kyrie eleison, Paternoster etc.

Quo secrete completur. Et interim accepto Aspersorio, cum Aqua benedicta, tertio aspergit ante se, deinde imposito Incenso in Thuribulo, et illo benedicto, eodem modo incensat. Quo facto, pronuntiat Versus

Et ne nos inducas in tentationem.

R. Sed libera nos a malo.

V. In memoria æterna erunt justi.

R. Ab auditione mala non timebunt.

V. A porta inferi.

R. Erue, Domine, animas eorum.

V. Requiem æternam dona eis, Domine.

R. Et lux perpetua luceat eis.

℣. Domine, exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus:

Deus, qui inter Apostolicos Sacerdotes famulos tuos Pontificali fecisti dignitate vigere, præsta quæsumus, ut eorum quoque perpetuo aggregentur consortio. Per Christum Dominum nostrum. Amen.

*Deinde Aqua benedicta, Thuriferario, duobus Ceroferariis, Cruce, et Clero præcedentibus, et cantantibus Responsorium: Qui Lazarum resuscitasti a monumento fœtidum, * Tu eis Domine, dona requiem, et locum indulgentiæ.*

℣. Qui venturus es judicare vivos et mortuos, et sæculum per ignem. * Tu eis Domine etc.

Pontifex cum Mitra exiit ad Cæmeterium, interim dicens cum Ministris suis Antiphonam: Si iniquitates etc. Deinde Psalmus: De profundis clamaui, et repetitur Antiphona Si iniquitates etc.

Quibus omnibus dictis, cum fuerint in medio Cæmeterii, subsistunt suo ordine, et Chorus cantat Re-

sponsorium: Libera me, Domine etc. Interim offertur per digniorem Ecclesie Navicula, et per alium ex Ministris Thuribulum Pontifici; qui imponit Incensum more consueto. Responsorio repetito, Chorus cantat:

Kyrie eleison, Christe eleison, Kyrie eleison.

Mox Pontifex, Mitra deposita, convenienti voce dicit: Pater noster etc.

Deinde aspergit et incensat, prout fecit in Ecclesia, quo facto, dicit Versus:

Et ne nos inducas in tentationem.

R. Sed libera nos a malo.

V. In memoria æterna erunt justi.

R. Ab auditione mala non timebunt.

V. A porta inferi.

R. Erue, Domine, animas eorum.

V. Requiem æternam dona eis, Domine.

R. Et lux perpetua luceat eis.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Deus, qui inter Apostolicos Sacerdotes famulos tuos Sacerdotali fecisti dignitate vigere: præsta

quæsumus; ut eorum quoque perpetuo aggregentur consortio.

Deus veniæ largitor, et humanæ salutis amator, quæsumus clementiam tuam, ut nostræ Congregationis fratres, propinquos, et benefactores, qui ex hoc sæculo transierunt, Beata Maria semper Virgine intercedente, cum omnibus Sanctis tuis, ad perpetuæ beatitudinis consortium pervenire concedas.

Deus, cujus miseratione animæ Fidelium requiescunt, famulis et famulae tuis omnibus hic et ubique in Christo quiescentibus, da propitius veniam peccatorum, ut cunctis reatibus absoluti, tecum sine fine lætentur. Per Christum etc. *R. Amen.*

V. Requiem æternam dona eis, Domine.

R. Et lux perpetua luceat eis. Tum duo Cantores dicunt: V. Requiescant in pace. R. Amen.

Et mox Pontifex elevata dextera, producit signum Crucis ab omni parte super Cæmeterium.

Tum accepta Mitra per Pontificem, revertuntur omnes ad Ecclesiam, ordine quo venerunt, Choro dicente congruenti voce sine nota, totum Psal. Miserere mei, Deus etc.

Quem etiam Pontifex ipse dicit voce demissa cum Ministris, seu Cappellanis suis: quibus dictis, et cum ad Chorum ante majus Altare pervenerit Pontifex, deposita Mitra, stans ibidem in medio, versus ad Altare dicit: Kyrie eleison, Christe eleison, Kyrie eleison, Pater noster. reliqua secreto, deinde dicit:

℣. Et ne nos inducas in tentationem.

℞. Sed libera nos a malo.

℣. A porta inferi.

℞. Erue, Domine, animas eorum.

℣. Domine, exaudi orationem meam.

℞. Et clamor meus ad te veniat.

℣. Dominus vobiscum. ℞. Et cum spiritu tuo.

Oremus.

Absolve, quæsumus Domine, animas famulorum famularumque tuarum ab omni vinculo delictorum, ut in resurrectionis gloria inter Sanctos et Electos tuos resuscitati respirent. Per Christum Dominum nostrum. Amen.

His peractis, depositis Stola et Pluviali nigris, seu violaceis, et assumptis albis, incipit Visitationem a Ss. Eucharistia (præcedentibus semper duabus Intortitiis accensis, et Thuribulum, ad incensandum Ss. Sacramento in Tabernaculo aperto, ut præscribit Gav. in sua Praxi Comp. §. 7, n. 10), ad Baptisterium, inde ad Sancta Olea, ad Sacras Reliquias (cum luminibus accensis, et hæ incensantur, secundum Gav. ut supra n. 11).

Item ad Altaria, et Capellas, et sacras Imágenes; item ad Sacristiam et Cæmeterium se confert.

Poterit postea Pontifex confirmare pueros, præmissa monitione, et aliis servatis.

Expedita itaque Confirmatione, et benedictis Ornamentis, si qua benedicenda sunt, depositisque indumentis Ecclesiasticis, habebit Episcopus colloquium cum Clero et Sæcularibus iis qui ad fabb. Eccl. adepti sunt; de ministracione spiritali et temporali illius Ecclesiæ.

Inde visitabit Confraternitat. Scholæ Christianæ Doctrinæ. Deum peracta Visitatione illius loci, et omnibus expeditis, cum discedere voluerit Pontifex, in suo habitu communi accedit ad Ecclesiam; et stans ante Altare in cornu Epistolæ versus ad illud, dicit Psalmum: De profundis, et Antiphonam Si iniquitates; deinde dicit: Pater noster.

℣. Et ne nos inducas in tentationem.

℞. Sed libera nos a malo.

℣. A porta inferi.

℞. Erue, Domine, animas eorum.

℣. Requiescant in pace. ℞. Amen.

℣. Domine, exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum spiritu tuo.

Oremus.

Deus, cujus miseratione animæ Fidelium requiescant, famulis et famulabus tuis omnibus hic et ubique in Christo quiescentibus, da propitijs veniam peccatorum: ut a cunctis reatibus absoluti, tecum sine fine lætentur. Per Christum Dominum nostrum. ℞. Amen.

(Ita in Pontificali Romano, tit. Ordo ad visitandas Parochias).

Propio Austr. Cent. 50.

144

Journal of Management Education 30(6)

2000

மணிநாள் தாழ்ந்தது. 1988

www.elsevier.com/locate/jmb

1800-1801